

CONSTITUCIÓN DA COMISIÓN PROVINCIAL DE PONTEVEDRA

PARA A CONCESIÓN DE PRAZAS DE GRATUIDADE - CURSO 2024/2025 PROCEDIMENTO DE SOLICITUDE DAS PRAZAS DE GRATUIDADE E CRITERIOS DE PREFERENCIA

Sr. Director / Sra. Directora:

O día 16 de maio de 2024 constituíuse a Comisión Provincial de Pontevedra para a concesión de prazas de gratuidade do VII Convenio Colectivo de Empresas de Ensinanza Privada Sostidas Total ou Parcialmente con Fondos Públicos.

Por parte patronal asistiron: CECE-GALICIA, ESCOLAS CATÓLICAS e ACES-Galicia.
Por parte sindical asistiron: FETE-UGT, FEUSO, FSIE, CCOO e CIG.

Achéganse:

1.- MODELO DE SOLICITUDE que teñen que presentar os traballadores e traballadoras, así como a información complementaria sobre o procedemento de solicitude e tramitación destas axudas.

Lémbrese : Que o 31 de xullo de 2024 deben destruír tódolos datos persoais.

1. DEREITOS DOS TRABALLADORES

Segundo se establece no artigo 86 e Anexo V do VII Convenio, son:

- a) Dereito á ensinanza gratuíta para os fillos dos traballadores de entre as que se imparten no Centro/s de Traballo/s (Colexio/s), cando teñan unha dedicación igual ou superior á metade da xornada laboral. No caso de fillos orfos daqueles traballadores, para ter dereito á praza, a antigüidade mínima no/s Centro/s do traballador falecido será de dous anos. Gozarán tamén do dereito os fillos dos traballadores en situación de excedencia forzosa, excepto o caso contemplado no artigo 49.1 do Convenio.
- b) A gratuidade total fai referencia ás **ensinanzas regradas e actividades complementarias**. Non son gratuítas nin as actividades extraescolares nin os servizos.
- c) O **FONDO TOTAL DE PRAZAS** de gratuidade, se computará sobre o total de alumnado das respectivas etapas ou ciclos educativos do seguinte xeito:

En niveis concertados:

- **3%** en Educación Primaria.
- **3%** en 1º y 2º E.S.O.
- **2%** en 2º ciclo de Educación Infantil.
- **2%** en 3º e 4º de E.S.O.

En niveis concertados ou non concertados:

- **2%** Bacharelato.
- **2%** FP C.F. de Grao Medio, C.F. de Grao Superior, F.P.B., E.P.A.

No primeiro ciclo de Educación Infantil:

- **15%** do total do alumnado do primeiro ciclo de E.I. Neste caso a beca será do 50% . No suposto de que as solicitudes superen o 15% prorratearase a beca entre todos os solicitantes.

No caso de que a porcentaxe represente un número fraccionado, entenderase que cando chegue ou supere o 0.5 o número de prazas a conceder será o ordinal seguinte, e de non chegar a 0.5 será o anterior (Exemplo: cunha porcentaxe de 3,6 deberán concederse 4 prazas; se a porcentaxe é 3,4 concederanse 3 prazas).

- d) **Os fillos dos traballadores do propio centro terán dereito a ensinanza gratuíta aínda que se superen os topes establecidos, agás no primeiro ciclo de E.I.** Os fillos de traballadores doutros centros terán dereito ás ensinanzas gratuítas sempre que as porcentaxes sinaladas non sexan cubertas polos fillos do profesorado do propio centro, agás no primeiro ciclo de E.I.
- e) **Os traballadores están obrigados a solicitar as axudas ao estudo arbitradas por calquera administración.** De serlle concedidas as axudas, deberán reintegrar ao centro as cantidades percibidas.

2. CRITERIOS DE PRIORIDADE ACORDADOS NA COMISIÓN

2.1. PARA TODAS AS ETAPAS EDUCATIVAS AGÁS PRIMEIRO CICLO DE EDUCACION INFANTIL.

Os criterios de prioridade e excluíntes, que se aplicarán sucesivamente, son:

1º.- Fillos de traballadores do propio Centro.

2º.- Situación económica da unidade familiar. Terá preferencia a unidade familiar con menos recursos.

Acreditarase mediante a suma da base liquidable do IRPF (caixas 505 e 510) dos dous proxenitores, e dividíndoa entre o número de membros da unidade familiar. O pai e nai solicitantes presentarán copia da declaración da renda de ambos (declaración separada ou conxunta) correspondente ao exercicio económico do ano 2022. No suposto de non ter presentada a declaración do IRPF deberá aportarse resumo de datos fiscais correspondente ao ano 2022 de ambos proxenitores.

3º Fillos de traballadores, cunha discapacidade igual o superior ao 33%.

4º.- Fillos de traballadores que non dispoñan no centro educativo no que prestan servizos da etapa educativa na que están escolarizados aqueles.

5º.- Condición de Familia Numerosa de maior grado.

6º.-. Existencia doutros irmáns no centro no que solicitan praza de gratuidade.

7º.-. Estar xa o alumnado escolarizado no centro no que se solicita praza de gratuidade.

2.2. CRITERIOS DE PRIORIDADE ACORDADOS NA COMISIÓN PARA PRIMEIRO CICLO DE EDUCACION INFANTIL (0-3 anos)

No caso de que o número de solicitudes de beca supere o **15%** do total do alumnado do primeiro ciclo de E.I., o montante total da beca será prorrateado entre todos os solicitantes.

3. PROCEDEMENTO E PRAZOS

- 3.1 O traballador presentará a SOLICITUDE dirixida ao centro educativo no que solicite a praza gratuíta mediante o modelo de SOLICITUDE (anexo a esta comunicación e que ademais se colgará na web de cece-galicia: www.cece-galicia.com) que se presentará por duplicado. **O último día de prazo para presentar a solicitude é o 31 de maio de 2024**, en horario de secretaría do centro. Os centros, non recollerán nin asinarán solicitudes despois desta data.
- 3.2 Modos de presentación:
- De forma presencial no centro educativo no que se opta a praza.
 - Por correo ordinario dirixido ao centro educativo no que se opta a praza.
 - Por correo electrónico, á dirección de e-mail previamente solicitada ao centro educativo no que se opta a praza.
- 3.3 O centro, en caso de presentación presencial, selará os dous exemplares e devolverá un deles ao solicitante. En caso de presentación por correo electrónico ou por correo ordinario, comunicará de xeito telemático a súa recepción.
- 3.4 O centro baremará as solicitudes. A tal fin constituirá unha comisión formada por a lo menos un representante da titularidade e a lo menos un representante dos traballadores. No suposto de centros nos que non exista representación legal dos traballadores, será elixido de entre os membros do Claustro un traballador/a para a resolución das solicitudes de praza gratuíta.
- 3.5 O centro **comunicará ao solicitante a concesión ou ben a denegación** da beca (anexos 2 e 3) **de maneira razoada e por escrito, con data límite o 07 de xuño de 2024**. No caso de non existir comunicación, ou de facerse fóra do prazo sinalado por parte do centro, entenderase automaticamente concedida a beca.
- 3.6 O centro **enviará** á Comisión Mixta de Becas, **a PROPOSTA DE RESOLUCIÓN** razoada (anexo 4) **por correo electrónico a cece-galicia@cece-galicia.com**, con **data límite o día 14 de xuño de 2024** na que conste:

- Solicitante/s proposto/s para a concesión de praza gratuíta relacionados por etapa educativa ou ciclo, con indicación do nome do proxenitor/a traballador/a do ensino, e centro concertado no que presta servizos.
 - Solicitante/s ao/s que se propón denegar praza gratuíta indicando o motivo.
 - Número de alumnos escolarizados no curso escolar 2023/24 en cada etapa educativa.
- 3.7 **O/A traballador/a** ao que lle denegaran a praza gratuíta **poderá formular reclamación** como **data límite** o **19 de xuño de 2024** perante a Comisión Mixta de Becas, mediante reclamación presentada por correo electrónico a cece-galicia@cece-galicia.com,
- 3.8 **A Comisión** solicitará do centro a documentación complementaria que considere oportuna. **Resolverá o día 26 de xuño de 2024**, e a súa decisión é inapelable.
- 3.9 Os centros deberán conservar toda a documentación presentada polos solicitantes ata o remate do proceso.
- 3.10 Establécese a sede da Comisión Mixta de Becas, na sede de CECE-PONTEVEDRA, sita na rúa García Barbón 104-1º, 36201 VIGO, teléfono 981940020, Correo electrónico: cece-galicia@cece-galicia.com